



# Arubaanse Courant

ANJA 25

Diahuebs 19 December 1963

NO. 4821

## ESTUDIANTENAN AFRICANO TA BRINGA CU POLIS RUSSO

MOSCU, 19 December Mas o menos 400 estudiante-Africano a tene awe un demostracion dilanti di e embahada Ghanes na Moscu pasobra nan ta pensa cu un estudiante Ghanes a worde asesina pa un Ruso.

-Mas o menos 300 estudiante a drenta e embahada, segun nan a bisa pa traha un memorandum qu despues lo worde hiba Kremlin den optocht. Un di e demostrantenan a bisa qu autoridadnan den un rapport a bisa qu su morto ta di causa natural.

- Despues polis a trata na bloquea e caya cu trucknan y auto di polis. E estudiantenan no a habi causa di e aviso di nan lidernan mes y qu violencia a quibra e bloqueada. Nan a sigui nan caminda pa Kremlin. Nan cantidad entre tanto a aumenta y a bira 500. Un poco mas aleu nan a haya nan den un terrible lucha qu decenas di polis, qu a forma un barricada di 40 meter largu na entrada di plaza rojo. Un di e demostrantenan a conta qu e estudiantenan qu a muri a bisha siman pasa pa Moscu pa tuma bagage for di Ghana.

E mesun anochi ei a wordetransporta pa e stacion. Despues nan a haya su cadaver desnuda binti kilometer pafor di ciudad. E autoridadnan ruso sovietica a declara oficialmente qu ei afries muri, e demostrantenan a bisa qu esey ta un declaracion absurdo.


Na plaza rojo polisnan qu tabatin mester a retira despues di un lucha di dos minuut qu e demostrantenan. Esaki nan e ora ey a pasa y a sigui nan caminda pa Kremlin.

Un di e estudiantenan tabatin

un papel bisti qu e testo; "Nos tambe ta hende y no bestia" den ruso.

Segun e delegacion di estudiantenan Ghanes e estudiante relaciona, qu llama Addo, y tin mas o menos 24 anja, meste a casa diasabra awor qun Rusiana qu ta spera un yiu di dje. Mayornan dje mucha muhe ta contra amistad di nan yiu muhe qu e estudiante di colo. Un estudiante cu a mira e cadaver di su colega a conta cu tin simptomonan di fractura na su man y un corta chiqui bow di su cachete. E no a pone masha balor na e declaracion ruso qu Addotaba forma den memorandum que estudiantnan a entrega ne minister di hoger onderwijs tapara qu nan libertad ta amenaza pasombra den varios parti di Rusia nan ta maltrata estudiantenan. Nos kier pa polis actua mas serio. E minister a bisa quel a tende qu Addo a muri di frialdad, pero ei a priminti di haci un investigacion

### Maytag



WRINGER WASMACHINE

- ◆ Porcelcin op staal basis.
- ◆ Verstelbare wringer.
- ◆ Oerdegelijk van constructie

Palais Royal Aruba N.V.

Marina Hulandes ta duna

demonstracion pa publico

Oranjestad, 19 December. Ariba iniciativa y cu esfuertonan di majoor L. van Klinken di Marina Hulandes staciona na Aruba, dia 28 venidero, ariba un Diasabra mainta, un grupo di mas o menos 260 homber lo duna un demostracion pa noord di e faro na Westpunt, especialmente pa e publico.

E compaignie di marinierman lo duna un demostracion di arma-nan, nan uso y e manera cu nan ta worde usa pa combate. Durante di e demostracion cu ta consisti di dos parti y lo dura for di 9' or te 10' or lo tin comentario na Hulandes, mientras cu un informacion ariba papel na Papiamentu y Ingles lo worde parti na e presentenan cu tin mester di esaki. Cooperacion pa efectua e demostracion aki na publico a worde hanja for di Lago y Gobierno.

E intencion di e demostracion aki ta pa duna e habitantenan di Aruba, est a e pueblo di Aruba en general cu hopi bisha ya a mira e marinierman marcha door di nan callanan, un idea di e trabao cu e marinierman ta haci ariba terreno di combate.

Pueblo ta worde avisa cu lo worde tira cu municion skerpi. Pesel e bishitantenan na e demostracion aki ta worde suplica pa no sali for di tereno cual ta reserva pa e publico ariba e dia aki y cual ta keda ariba e lugar caminda e faro di Califormia ta para. E terreno ta worde marca claramente cu banderanan cora y borchinan di aviso. Esun cu no tene cuenta cu e avisonan aki ta drenta e zona peligroso ariba su propio riesgo. Marina Hulandes no ta tuma ningun responsabilidad ariba su cuenta.

### Conferencia di prensa di president Johnson

Washington, 19 Dec. President Johnson a bisa durante un conferencia di prensa qu e ta dispuesto pa contra qu cualkier lider politico sin di tene cuenta di cua pais na cualkier momento, si tin indicacionnan qu un tal encuentro ta utili y por conduci pa resultadocon concreto. Riba preguntanan tocante reunion dje conseho ministerial di

NAVO na Paris e president Mericano a bisa qu e reunion tabata masha satisfactorio. Johnson no a duna comentario riba preguntanan tocante un eventual idea di Merca pa staciona un parti dje di shete flota den Oceano Indio.

Ei a manda periodistanan na adres di ministerio di defensa. E president a anuncia por ultimo qu Thomas Mann, qu a worde nombra Sub Minister di Asuntunan Interamericano, lo coordina politiek Mericano enbista di Latino America, Mann ta actualmente embahador na Mexico.

No lubida cu majan

DIABIERNE

nos ta habri na Playa

di 8 pa 10' or di

ANOCHI

SPRITZER + FUHRMANN

Oranjestad

## Ministro no ta contra loteria comercial

Oranjestad, 19 December.

Ministro di husticia a propone na Staten pa cambia e ley di loteria di anja 1909 di tal manera, cu e tal "loterianan comercial" por bolbe sigui tuma lugar. E cambio pues tin relacion cu e loterianan cu ta worde organisa door di empresanan comercial pa stimula bendemento of aumento di produccion.

Ministro ta sigui bisa tocante di esaki den su memoria di contestata:

"Na estimulacion di bendemento" a worde pensa na por ehemplo introduccion di un marca of articulo nobo; na aumento di produccion na e accionan di bendemento na bienestar di articulan ya importa. Pa proteha e participantenan y alavez pa preveni cu organisadornan di un loteria comercial, purba- fuera di e probechonan comercial saka probecho di placa directamente for di e loteria y pidimento di un suma di placa pa participacion ta probehi. Si algo asina sosode toch, e reglamentonan di ley di loteria ta valido completo. E unico prohibicion, cual pesel ta worde poni pa loteria comercial ta e prohibicion na e organisador of tenedor di e loteria pa pidi pago na placa unicamente y directamente pa tuma parti na tal loteria. E pagamento indirecto di placa-p.e. door di cumpra un cierto articulo of pa un cierto suma- y door di esey hanja derecho pa tuma parti na loteria, no ta prohibi.

FATUM - Tel: 1845  
pa tur bo asegurado

E articulo cual e ministro a propone na Staten pa pone cerca di e ya existiendole ley di loteria, pa asina haci e tenemento di loteria comercial posibel, ta lo siguiente:

"E ley aki no ta pa loterianan cual ta worde organisa of teni na bienestar di estimulacion di bendemento of aumento di produccion di casnan comercial of empresanan, basta cu como condicion pa tuma parti un suma di placa no ta worde pidi".


Ariba un pregunta di e redactor di Beurs -en Nieuwsberichten na Corsow, procureur general mr. I de Castro a participa cu procesverbaalnan nobo lo no worde traha, alavez trahamento di casnan dilanti hues di personan cu ya a hana uno, lo worde wanta te ora cu Staten a tuma su desicion ariba e punto aki.

HUMA UN CIGARIA  
VERDADERO  
HUMA UN

CAMEL



FAVORITO DI ARUBA



Ayer mainta señor Cobi Bikker kende pa motibu di un accidente hopi anja pasa a perde su dos planan a hanja un bicicleta motoriza especial pa envalido pa cortesia di Esso-Dealernan na Aruba.

Ariba e potret nos ta mira sr. Bikker triunfante den su medio di transporte nobo, poco despues di e ceremonio di entrega cu a tuma lugar na Astoria Hotel na San Nicolas. Nos ta mira di r.p.dr. srs. Eman, Lacle, Croes, Flemming, Sjiem-Fat, Oduber, Gomez, y Soomers.

## Trupialen ta fiesta Pascu

Oranjestad, 19 December. Manera cu nos a anuncia anteriormente den e edicion aki, e grupo hubenil bao di guia di e frerenan di "De La Salle", esta "De Trupialen", mescos cu anjanan anterior lo tene a-nochnan di preparacion pa fiesta mento di Pascu. E biaha aki dos anochi lo worde di preparacion pa e Juniores a worde teni den e edificio di e club, mientras cu awe noch pa un cuarto pa siete lo cuminsa e anochi di preparacion di, adspirant senloran, y oud senloren, E anochi aki tambe lo tuma lugar den e clubhuis di "De Trupialen".

## Butler kier topa Gromyko

LONDON, 19 Dec. Ministr Britanico di asuntunan exterior Butler a declara awe na su represo dje conferencia di NAVO na Paris, di ta spera qu den futuro e lo contra qu su colega Ruso Gromyko.

Ne encuentro aki nan lo papia tocante e kestion di un expansion di armanan nuclear. Inglatera lo no haci proposicionnan nobo. Si Occidente lo por bini qu proposicionnan aki ta depende dje resultado dje deliberasionnan qu minister Rusk e minister, Mericano di asuntunan exterior qu a viaha di Paris pa London den un otro avion. Tambe e ta depende di ike nan alcanza que otro alian-donan.

## Crisis na Finlandia

OV CRISIS DEN GABINETE HELSINKI, 19 December. President Kekkonen a pidi reino Lehto di 65 anja un funcionario al-tu dje ministerio pa comercio y industria pa forma un gabinete interim. Lehto no ta ningun politico di partido. E coaision di gobierno bow di Ahti Karjalainen qu ta sostene riba 4 partido, a baha ayera manera anuncia. A causa e re-tiro un diferencia di opinion den gabinete tocante proposicion di minister di finanzas Karttunen, y miembro dje partido di cam-pesinonan di Karjalainen, pa au-menta otro anja belasting di terra y entrada. E minister ta hanja e aumento aki necesario pa caba que deficit riba presupuesto Fin-landes di 215,500,000 mark Fin-landes.

## Rachman ta acusa Indonesia

KOEALA LOEMPOER- 19 Dec. Premier Abdoel Rachman di Ma-lesia a bisa den e parlamento qu gobierno Indones a forma un quinta colonia extenso pa tum-ba gobierno di Malesia. Ultimo dianan 37 agente Indones a worde arresta. Na asaltan di bom na Singapo-re, qu segun Rachman tabata o-bra di agentenan Indones, dos persona a muri.


-Segun noticianan ricibi na Jess-lton shete Indones a worde co-he presu y un a worde mata na un asalto di polis riba un lugar di sconde na Tawau na e costa Oriental di Noord Borneo.

## Escritor di Amsterdam a keda arresta

AMSTERDAM, 19 Dec. Segun nan a anuncia actualmentz recherchi central di Amsterdam a aresta den e ultimo fin di siman un escritor di 35 aña, dje capital bow di sospecho di tin ilegal-mente marihuana den su poder. Polis a hanj cerca un mucha muhe menor di edad qu a hui fol su cas, tres sigaria di ma-rihuana quel a dunele pa warda pe. E escritor ta serra ne ofi-cina central di polis y proba-blemente e lo meste parse di-lanti oficial di justicia.

## SYLVANIA

Ta Di. Miho



No dicidi ariba ningun television portatil sin prome mira e SYLVANIA, sin igual aki, cu su pantaja di 19 duim. E mes un cualidadnan di e modelnan mas cara, bo ta hanja den e modelo aki tambe. E televisior portatil cu ta dunabo e miho sonido y miho imagen ta un SYLVANIA.

Ademas nan ta **B A R A T A**.

Bin mira nan na:

N.V. Winkel's Handel Maatschappij.  
Oranjestad

San Nicolas.

## Expansion di conseho di seguridad di N.U.

New York, 19 Dec. E asamblea general di Nacionnan Uni a dicidi ayera noch qu 97 contra 11 voto y cuater abstencion pa recomen-da conseho di seguridad pa au-menta su miembronan di diesun te diescincu.

Union Sovietica y Francia tabata entre e paisnan qu a vota contra. Manera aproba un tal cambi di e carta di moda qu ainda e expan-sion por worde bloqua.

Union Sovietica quier pa Nacion-nan Uni reconoce China prome. E proposicion pa aumenta e can-tidad di miembronan di conseho tabata di un grupo di paisnan Africano y Asiatico, qu quier un mihor representacion.

E Ruso Fedorenko a bisa despues pa aumento di e cantidad di as-lentonan den conseho di seguri-dad qu mester delibera tocante

e asunto ey pa yega na un solu-cion aceptable.

## Sesion extra di gabinete Aleman

BONN, 19 Dec. Gabinete di Ale-mania Occidental mayan lo reunie den un sesion special pa deli-bera tocante situacion qu rela-sion que reunion dje conseho ministerial di E E G na Bru-sela.

Awe e conferencia tabata caba tema dje conbersacion, pero e ministrnan a hanja necesario pa dedica un sesion extra ne. Segun circulanon bon informa-cansiller federal Erhard atrobe a aclara qu Alemania Occiden-tal no ta bai di acuerdo qu are-glonan den Mercado Comun, qu tin como consecuencia rebaho di entrada pa campesinonan Ale-man o aumento di prijsnan di consumidornan.

## Hopi interes pa bishita na Berlin Oriental

BERLIN, 19 Dec. For di awe mainta shet ortabatin habitante

nan di Berlin Occidental den carreda di e diesdos oficinanan unda por haya permitnan pa un bishita na Berlin Oriental. Dentro di algun ora tabatin mie-ies di habitantenn di Berlin Occidental ta warda dilanti di e oficinanan ey, qu lo abri te awe merdia.

Mas o menos cien ambtenaar di posterij for di Berlin Orien-tal lo atende e peticionnan. Un dia despues lo bini e permit-nan pa un bishita den e periodo di 19 di december te cinco Ja-nuari.

E permitnan lo worde entrega solamente na personanan qu tin famtanan hopi na Berlin Oriental. Ta worde calcula qu eseynan lo ta mas o menos 400,000

-E directiva di Berlin Occidental a abri un oficina central pa con-seho pa habitantenan di Berlin Occidental qu ta di opinion, qu pa motibunan politico nan lo no por bishita e sector ruso di Ber-lin.

## Causa di morto di Kennedy

Washington, 19 Dec. Aunque qu ainda e resultatonan oficial di e autopsia di e cadaver di Pre-sident Kennedy no ta conoci ain-da, nan a laga sa di fuente fi-dedigno, qu e di tres bala, qu a worde tira pa e asesino, a mata e president.

E prome bala a causasolamente un herido leve.

E di dos a cohe Gobernador John Connally di Texas. Djles despues di e drama na Dallas a worde participa qu e promer bala a cohe Kennedy den su coro coro. Pero fer di e autopsia a resulta qu e prome bala a cohe Kennedy den su lomba.



It Never Varies

Sabor cu nunca ta Varia



N.V. WINKEL'S HANDEL-MAATSCHAPPIJ



## A.A.W.B. a rifa dos bicicleta

W.B. A RIFA DOS BICI  
(nos Redactor Deportivo)  
n informacion di e president  
Aruba Athletiek en Wielren-  
Bond, R.A. Chin A Lol,  
ctiva di e bond aki a tene un  
di dos bicicleta di pusta.  
ars dia 17 e dos number  
dornan a worde saka. E pro-

mer number ganador tabata 139,  
cual number a worde bendi cu  
P.J. Tromp di Calabas 10 y e  
segundo number, 305, tabata den  
pader di E. Hoeverts, a/c Aru-  
ba Bank.  
E rifa aki a worde teni pa for-  
tifica e estado financiero di e  
bond.

NOS A CABA DI RICIBI UN EM-  
BARQUE NOBO DI

ZAPATO PA CABALLEROS

- \* calidad excelente
- \* ultimo modelonan
- \* prijsnan masha atractivo

tambe : pa damas un surtido precioso di pi-  
jama di seda brocada, bistir, kimona y cock-  
tail-jacket di dos banda.

**PALAIS ORIENTAL**

(dilanti Banco Hulandes na O'Stad)

BO A CORDA PIDI  
CAS CABA?

Aruba Gas Supply  
tel. 1898

E Cas Di Bo Sonjo  
na prijsnan practico



cu materialnan di con-  
struccion di calidad y  
na prijs atractiva, esey  
ta solamente na

**PETRONA & CROES**

KING SIZE COCA-COLA



The 1964

**ZENITH**  
are here!!!



A complete range of:

- \* CONSOLE
- \* TABLE - MODEL
- \* PORTABLE

In most attractive prices

- \*No printed circuits.....
- \*No production shortcuts
- \*Exclusive handcrafted chassis
- \*Come and see them today at

**ALL ELECTRIC  
SALES & SERVICE**

B. v.d. Veen Zeppenfeldstraat 19  
San Nicolaas - Tel. 5220



FRESCA VENA

E refresco cu  
ta ALIMENTA

Agente pa pro-  
ductionan di

**QUAKER  
DE VEER &  
SONS INC.**

Tel.  
1326 - 5261



# Club Bonaireano

Su programa special pa fiestanan venidero

## Diabierne 20 December

a 8'or di anochi show musical di pascu en combinacion  
un comedia bao number di „AURORA DI SALBACION,,  
al ta base ariba nacimento di nio Jesus  
ev. pastoor Van Baars di San Nicolas lo duna un mensahe  
pascu y aña nobo.  
ntrada es anochi aki ta completamente G R A T I S.

## Diarazon 25 December

randioso baile for di 9'or te 3'or di marduga, ameniza  
e super orkesta di FRED MULLER. Lo tin ocasion pa  
lia ariba e patio grandi na aire libre y tambe den sala  
club.

## Diamars 31 December

ro grandioso baile for di 9'or te 6'or di mainta. Atrobe  
neniza pa e super orkesta di FRED MULLER.  
n baila ariba e patio nobo na aire libre y den e espacioso  
la Club Bonaireano.

viso na mlembronan di Club Bonaireano y na tur Bonaireanonan residente  
Aruba.  
rectiva ta participa na tur e personanan aki cu ta interesa na nombra  
candidata pa reina di carnaval 1964, pa jama secretaria di Club na tel.  
48-5258. Pa mas informacion favor acudi cerca sr. Theo De Palm. Ul-  
mo fecha pa stipula candidata ta: 10 di januari 1964.

UCHA RADIO ANTILLANA TUR ANOCHI for di 8'or te  
15 pa tur actividadnan di Club Bonaireano.

## Programa di Carnaval 1964


- 11 jan. Mallo Carnavalesca
- 18 jan. Chogogo Carnavalesca
- 25 jan. Kalko Carnavalesca
- 26 jan. Pachanga Carnavalesca (1'or - 6'or p.m.) radial.
- 1 feb. Balle y eleccion reina di Club Bonaireano
- 2 feb. Carnaval di Mucha
- 6 feb. Balle y eleccion reina di San Nicolas
- 7 feb. Coronacion reina di Club y Orquidia (reina di Mucha)
- 8 feb. Balle Carnavalesca
- 9 feb. Balle Carnavalesca

## Number di candidatanan pa reina di carnaval

(te cu 18 dec. '63)

- |                       |                     |
|-----------------------|---------------------|
| 1 - JUDITH PAULA      | 2 - AURA PALM       |
| 2 - FELOMENA MARCHENA | 4 - LUCILLE POURIER |
| 5 - EDITH WINKLAAR    | 6 - NORRIS NICOLAAS |
| 7 - KAY LUCKHOO       | 8 - RINA LUCKHOO    |
| 9 - LUISA WOUTER      |                     |

Reina di carnaval di club Bonaireano lo hanjadi regalo un  
auto "Austin Healy Sprite"



# RON DORADO ... SUPERIOR

PRODUCTO DE:

**ARUBA DISTILLING CO.**

Wilhelminastraat 47 - Tel. 1266

# Campeonato di Softball den fase final sin Aruba Jrs.

(Di nos redactor Deportivo)

Un caso insolito ta tumando lugha den e mundo deportivo di nos isla. Ya nos a yega di comenta algo di e asunto aki entre Aruba Softball Bond y Aruba Jrs, un di e li equiponan cu a tuma parti den e promer parti di e campeonato di softball 1963. Despues di a ricibi un schedule riba cual tin menciona Schedule pa e playoff 1963 entre 4 equipo, directiva di Aruba Jrs a reacciona mandando un carta cu fecha di dia 6 di december 1963 na directiva di Aruba Softball Bond, den cual Aruba Jrs a alega cu e "playoff" aki lo ta contra di e reglamento 34 di Hulshoudelijk Reglement di Aruba Softball Bond. Na fin di e carta Aruba Jrs ta informa cu bao di e actual reglamentonan nan lo no participa e "playoff" stipula. Promer cu duna Aruba Jrs un contesta oficial ariba nan carta directiva di Aruba Softball Bond a saka dia vierna dia 13 di december un schedule revisa di eplayoff mencionando participacion di e restante tres equiponan so, esta Douane, Los Novatos y Paxton. Ariba dia 14 di december un carta a worde scribi door di directiva di Aruba Softball Bond na Aruba Jrs, cual carta a yega den poder di e segundo secretario di Aruba Jrs, N.L. Swan riba diamars dia 17 di december. Den e contesta aki directiva di A.S.B. ta alega cu no ta awor numa ta worde menciona di un "playoff" entre e cuatro equiponan cu termina e promer rond mas ariba, pero cu ya den un reunion general di dia 26 di augustus 1963 esaki a worde dicidi. Directiva ta reconoce di a falla di menciona e punto aki den e reglamentonan di competitie. Ta worde treci adilanti tambe den a carta e mencionado articulo di Hulshoudelijk Reglement y enfasis ta worde poni door di directiva ariba e parti cu ta bisa NA FINAL DI E TEMPORADA. E parti importante di e articulo 34 ta bisa lo siguiente: Campeon di Aruba ta e club cu den e mas halto competitie na final di e temporada ta ocupa e promer lugar. Directiva di Aruba Softball Bond a pone enfasis ariba e pida "na final di e temporada" y cu esey nan ke meen cu e temporada no a termina na momento cu e rond entre e li clubnan a keda hunga. Es decir, cu ainda tabata falta un parti di e temporada, esta e dos rondnan entre e cuatro clubnan di mas ariba, cual rondnan erroneamente nan a nomina un "playoff". Un playoff e no por ta ya cu un playoff ta generalmente un desempate entre clu cu a termina un campeonato den e mes un puesto. E palabra-

nan correcto pa e parti di e campeonato cu mester a worde hunga entre e cuatro-nan mas ariba ta rondnan decisivo of competitive-decisivo. Awor aki e palabra "playoff", cu nos ta ripiti ta equivocadamente usa den e caso actual, ta treciendo mas bruhamiento den e asunto.

E Hecho so cu den un reunion general di dia 26 di augustus a worde dicidi cu e cuatro equiponan di mas ariba mester enfrenta otro den dos rond decisivo ta proba caba cu no por worde papia di un playoff, pasombra e cuatro equiponan ey no tabata tin mester di ta empata otro atrobe. Ademas na e momento ey tabata imposibel pa sabi di un of otro eventual empate.

Bolbiendo ariba e contesta di A.S.B. na Aruba Jrs nos ta hanja cu e directiva di A.S.B. mencionando articulo 36 di e Hulshoudelijk Reglement, ta muestra cu ta e directiva ta encarga cu interpretacion y mantencion di e statutan y reglamentonan y cu den casonan cu e reglamentonan ni statutan ta provee, e directiva ta autoriza pa dicidi.

Terminando su carta directiva di A.S.B. ta invita Aruba Jrs pa atende e proximo reunion general den luna di januari 1964 y sperando cu Aruba Jrs lo nomina uno of mas candidatos pa e directiva nobo cu lo por haci e trabao di directiva mihor.

## FALTA DI TACTO.

Especialmente e parti final di e carta di A.S.B. na Aruba Jrs ta muestra un falta di tacto grandi di parti di directiva di A.S.B. Pa cuminsa nos ta kere cu e deber di directiva di A.S.B. tabata na momento di hanja e carta di Aruba Jrs pa, teniendo na cuenta cu en verdad tin un barco pega den e asunto aki door di e directiva di A.S.B., tuma contacto sea personal of cu carta pronto cu directiva di ARUBA Jrs pa trata na yega na un solucion. Aruba Jrs cu directiva ta den un error di nan aplicacion di e reglamento 34 manera ya nos a muestra den un comentario anterior. E articulo tan menciona no ta impone com e competitie mester worde hunga y esaki sea por worde stipula door di un reunion general (manera a sosode) of door di directiva mes. E error di parti di directiva di A.S.B. ta den a falla di a pone tur e clubnan participante na altura di e decision di e reunion general. Tur dos pues tin error cometi y ta door di e ora sinta papia cu otro por worde hanja un solucion. Di mesora tuma un actitud agresivo, nos no ta hanja correcto.

Aruba Jrs a expone su punto di vista y esaki, apesar cu nan mes a bisa cu bao di e actual reglamentonan nan no ta participa den e "playoff", nos ta kere ta un derecho cu nan tin meskos cu tur otro. Tabata na e momento ey obligacion di e directiva di A.S.B., como dirigenten di e deporte di softball cu mester guia e deporte den bon caminda enfrentando y resolviendo e problema cu ta presenta, di muestra Aruba Jrs mesora cu nan interpretacion di e articulo 34 ta fout, pero cu tambe, tanto e uso di e palabra "playoff" como e keda sin menciona e decision importante ey den e reglamentonan di e competitie ta erronan di directiva di A.S.B.

## CAMINDA DI MENOS RESISTENCIA

Sin embargo directiva di A.S.B. a escoge e caminda di menos resistencia y mes ora a dicidi di traha un schedule nobo lagando Aruba Jrs afor, PROMER CU CONTESTA E CARTA DI ARUBA JRS. Ta un paso di directiva di A.S.B. cu nos ta lamenta y cu nos no por califica di construcion pa e deporte di softball. Nos tin e conviccion cu un contacto entre directiva di A.S.B. of un delegacion di e directiva aki, cu e directiva di Aruba Jrs, lo a trece resultadonan mas positivo pa e deporte. Como dirigenten mas halto di e deporte ta deber di e directiva di e bond pa semper guia e deporte den un caminda correcto, ta nan deber di muestra e clubnan ariba e interpretacion correcto di e reglamentonan, un poder cu e propio Hulshoudelijk Reglement ta duna nan.

Directiva di A.S.B. mester por realisa cu lagamento afor di un club cu a hunga henter un rond entre li equipo den un forma tan excelente no por ta beneficioso pa e deporte. Mester a agota tur e recursonan pa trata di convence club cu nan interpretacion di e articulo 34 no ta correcto.

Directiva di Aruba Jrs te na momento di redacta e comentario aki no a trata oficialmente e contesta cu nan a ricibi for di directiva di A.S.B. Pero manera e casonan ta para awor aki, nada por worde haci. Ta un lastima, nos ta ripiti, ta un verdadero lastima cu e campeonato cu a worde hunga cu tanto animacion y cual indudablemente a bolbe trece interes pa e deporte di softball mester tin un fase final manera e tin

## ANALISTEXAMENS

De Inspecteur van het Onderwijs maakt bekend, dat het schriftelijk gedeelte van het eerstvolgend examen voor

### LEERLING-ANALIST

(medische richting) op Curacao en Aruba zal worden gehouden op 12 februari 1964.

Aanmelding voor het examen moet uiterlijk 6 januari 1964 geschieden op formulieren, welke verkrijgbaar zijn ten Departemente van Onderwijs en bij de Directeur van de leergang.

De Inspecteur van het Onderwijs.

## HET BESTUURSCOLLEGE VAN HET EILAND- GEBIED ARUBA

maakt bekend dat op maandag 20 januari 1964 om 11.00 uur openbare aanbesteding wordt gehouden op het kantoor van het Hoofd van de Dienst van Openbare Werken voor de levering van Wegbebakeningsmaterialen volgens leveringsbestek no. 1-1964.

Inschrijvingsstukken zijn op voormeld kantoor verkrijgbaar tegen betaling van fl. 1.--



UN REGALO ELECTRICO

SEMPER TA BON-BINI



awor. Nos no ta kere cu tabata necesario y nos ta convenci un poco tacto mihor emplea door di directiva di A.S.B. lo a trece mihor resultadonan pa e deporte di softball.

## TRES EQUIPONAN TA COMPITIENDO.

Entre tanto for di dia 11 di december e tres equiponan res-

tante, Douane, Paxton y Los Novatos ta enfrentando otro den dos rond. Den e promer wega Douane a enfrenta Los Novatos y e encuentro aki a termina den un triunfo pa e douaneronan. Dia Domingo dia 15 di december Los Novatos a gana di Paxton, mientras cu ayera, Dilarazon, noch mester a enfrenta otro Paxton y Douane. Entre e tresnan aki pues uno lo hanja e titulo oficial di campeón.....

OPENBAARMAKING door de Kamer van Koophandel en Nijverheid op Aruba van de uitslag van de verkiezing van DRIE leden van de Kamer van Koophandel en Nijverheid op Aruba, gehouden op de 17den December 1963; allen voor het Grootbedrijf.

ARENDS, Arturo Marcelo  
HESE, Theodorus Bartholomeus  
MARUGG, Isaac Oscar

Afschrift van het proces-verbaal van de zitting van de Verkiezingscommissie ligt ter Secretarie der Kamer voor een ieder ter inzage.

Aruba, 17 December 1963  
De Voorzitter der Kamer  
G. DE VEER



"SANTA PAULA" y "SANTA ROSA" bapornan

moderno di GRACE LINE, semanalmente ta trece turista y carga pa nos isla.

\*Usa e servicio eficiente di GRACE LINE biaha via GRACE.

Agente:

EMAN TRADING  
CO. INC

Oficina tel: 1156-1554-

5054-5055

Dock tel: 2135







Ayera mainta na misa di Savaneta senjor Dijkhoff empleado di K.L.M. y senorita Esther Kathleen a ricibi e sacramento di matrimonio. Aki nos por mira e feliz pareha saliendo for di misa. Nos ta desea nan un caminda yen di rosa den nan bida matrimonial.

Diasabra atardi a tuma lugar na San Nicolas apertura di "Cosy Corner" un "Precioso" soda bar di Sra. Fransisca Donati. Sra. Donati (centro), cu na robes senjor Charlie Morales, kende a efectua e apertura oficial y na drechi un di e empleadanan Aleen Engelhardt brindando huntu ariba e negoshi nobo den B. van der Veen Zeppenveeldtstraat.



## CABALLEROS ATENCION

Zapateria Hartog a ricibi un coleccion nobo di loafers moderno pa caballeros, den tiponan mas gusta y na prijsnan di fl. 11.95,-- fl. 12.95 y fl. 14.95.

Nos ta conseha bo, pa bin weita nan pronto. Tambe modelonan italiano, di mehor cu bo por cumpra, na prijsnan for di f. 18.50 pa riba. Bo ta pasa pronto? E surtido ta enormemente grandi y bo ta worde sirbi rapido pa personal competente.

Bo ta hanja mas pa bo placa, ora bo cumpra na Zapateria Hartog.

Tur Zapatu tin su pia, pero pa tur pia ta

# HARTOG

tin e zapatu di mas mehor.

## Zeta Ruso pa Alemania Oost

Berlin, 19 December. Lider dje artido comunista di Alemania Oriental Walter Ulbricht, segun n noticia dje agencia di prensa di Alemania Oriental Adna a pone na Schwedt cerca dje frontera polaco e parti occidental li un pipa di zeta den ehecurion i pipa ta pasa door di paisnan li bloke oriental. Aleman Oriental qu esaki ta bira e di 4 pais dje paisnan comecon, qu via ripanan di zeta qu ta carga e nombre "Amistad", ta ricibi zeta foi Rusia. E pipa di 3000 km di largura, qu ta sali dje camponan di zeta cerca di Koety sjev na Wolga ta splits na Minks den dos pipa di cua un ta sigui pa Hungria y pa Slovakia. E otro pipa ta pasa door di Polonia y ta termina na Alemania Oriental cerca e rafineria nobo na Schwedt.

## E sesion di E.E.G. na Brussel

Brussel, 19 Dec. E minister Frances di agricultura, Pisan, a ripiti na Brussel, qu un interrupcion di e sesion largu na Brussel, si dia 21 awor e intencion no worde logra, ta inaceptable pa e delegacion Frances. El a bisa asina den un conversacion qu periodistanan en contesta riba un pregunta tocante su reaccion si e president Ulandes di e consejo di minister, Mr Blesheuvet, lo propone pa den e caso ey sigui qu e reunionnan dia nueve di januari.

Un opinion completamente destinto a worde expresa pa e miembro Belgo di e comision Europeo. Segun e miembro aqui, J. Rey, mester atene su mes na un fecha, si esey ta stipula den e tratado di EEG of mester yega na un acuerdo qu e paisnan qu no ta miembro di e comunidad.

Mi ta haya qu no ta correcto qu e consejo di ministerio ta bira catibu di schema qu e mes a traha, hasta si esaki ta sosode a costo di interesnan respetuoso, manera esnan di familia. Te asina leu e miembro Belgo di e comision Europeo.

Minister Frances di agricultura Pisan, a propone, segun nan a anuncia despues, ne Presiden Ulandes dje consejo ministerial di EEG, minister Blesheuvet, pa alarga e propuesto sesion Marathon te dia 23 di december. Segun e eskuena di tempu nan mester termina e conferencia diasabra proximo. Minister Frances a bisa di ta di acuerdo Frances a bisa di ta di opinion, qu ta posibel pa llega den curso di dialuna di acuerdo qu e comision Europeo den Consejo ministerial.

NAN A BIAHA

NAN A HAYA



Si Bo cumpra

lo e muestra

**E camina pa Dios y con pa haya**

Pa D.L. Moody

na:

LIBRERIA VICTORIA

Nassaustra 78a - Tel. 2683

CHRISTIAN LITERATURE

CENTER

Lagoweg 2.

Publica pa

EDITORIAL EVANGELICA

Pos Chiquito, tel. 7023

(RADIO VICTORIA-Station bleu)



## HE: Why do they call them Bacardi Cocktails?

**BARTENDER:** Because they must be made with Bacardi Rum.\*

**SHE:** I'll bet you knew that all the time.

**HE:** Doesn't everybody?

**(WE:** Bacardi makes drinks with other names, too. From Alexanders to Zombies. Bacardi makes them taste better. To get through the alphabet, better buy both bottles - Light and Dark.)

\*Actual court ruling.



**BACARDI**  
LEADER FOR 101 YEARS

©BACARDI IMPORTS, INC., NY. RUM, 80 PROOF

# N.V. Winkel's Handel Mij.

# AGENDA

## ARUBAANSE COURANT

diariamente cu excepcion di  
diadomingo

subscription f. 3.25 pa luna  
edicion los 20 ct.

edita pa:

N.V. Arubaanse Druk-  
kerij - en Uitgevers -  
en Publiciteits Mij.

imprimi na:

N.V. Drukkerij  
„de Stad,,

Telefoon 1116 Directiva  
y redaccion, 2116 Anun-

cio y subscription.  
Directeur hoofdredacteur:  
D. Wolff.

## TELE-ARUBA

TELE-ARUBA-  
Diahuebs 19 December 1963.

- 05.30 Cartoons
- 06.00 Industry on Parade
- 06.30 Corliss Archer
- 06.45 Paplamente New Cast Live
- & Filmnews-
- 07.00 Sea Hunt
- 07.30 Sports News
- 07.45 Tombstone Territory
- 08.15 Honeymooners
- 08.45 English Newcast Live &  
Filmnews
- 09.00 Ben Casey
- 10.00 Sign Off.

Personanan di bon gusto ta pre-  
fere entre e mehoran

E MEHOR!



REY DE COPAS  
ARUBA DISTILLING  
COMPANY  
Wilhelminastr. 47 - Tel. 1266

## RADIO CARACAS TELEVISION

- 8.45 Senderos de luz
- 9.00 Cajas con sorpresas
- 9.30 Jardin de Infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monte-  
verde
- 15.15 Perfecta ama de casa
- 15.45 Aventuras de Popeye y  
Yeyo
- 16.15 Mejías y sus muchachos

- 16.45 Busque su marca
- 17.15 Sir Francis Drake
- 17.45 Noticias
- 17.50 El Santo
- 19.00 Mi tres hijos
- 19.30 Dagnet
- 20.00 El observador
- 20.15 Novela
- 20.30 Esta noche Billo
- 21.00 El matrimonio perfecto
- 21.30 Los defensores
- 22.30 Noticias
- 22.35 Cine para todos.

## CINE

- De Veer: 8.30 p.m. "The Pi-  
geon That Took Rome" 18 j
- Rialto: 8.00 p.m. "Homicidal"  
18 j
- Principal: 8.00 "Don Daredevil  
rides again" and "Tarzan  
and the Mermaids" all
- Aurora: 8.00 p.m. "The Young  
Guns" 18 j
- Savaneta: 8.00 p.m. "Mal De  
Amores" 18 j

## BOTICANAN DI WARDA

Oranjestad Botica Oduber Tel.  
1780. San Nicolas, Botica San  
Lucas Tel: 5119

## DOKTERNAN DI WARDA

Oranjestad Noord. Dr. J.R. Leo  
San Nicolas-Sta Cruz-Sav. Dr.  
J.G.H. Janssen

## WIT-GELE KRUIS

Oranjestad: Zr. Ewald  
San Nicolas: Zr. Perpetua  
Santa Cruz: Zr. Ludovic

## Cumpleanjos

Awe dia 19 di Dec. ta cumpli  
16 anja e simpatica señorita Jua-  
nita Aurora Geerman, felicita-  
cion ta bini di su tata Toni,  
mama Maria, rumanan Francis-  
co, Jacenitha, Cosma, Johanna,  
Justina, Bertha, wela y welonan,  
tanta y omonan, madrina y pa-  
drinonan, prima y primonan, y  
muy especialmente di tur su a-  
migo y amiguanan y demas famia  
Geerman.

Awe dia 19 di Dec. ta cumpli  
año e hobencito Agosto Geerman,  
felicicion ta bini di su mama  
Emiliana, tata Agustin Pita, we-  
la y welonan, tianan y tianan,  
primo y primanan, especialmen-  
te di su madrina Maria Werle-  
man. Y tambe di Aida, Nena  
Maria, Chita Lea.

## Cuba ta bai concentra iba

## produccion di sucu

HAVANA, 19 Dec. Segun funciona-  
rionan di e ministerio di ex-  
terior pa comercio Cuba lo basa  
su esfuerzonan economico pa e  
proximo periodo di tres te cin-  
co año riba produccion di sucu.  
Desarollo industrial por lopron-  
to lo queda suspende.  
Premier Castro y su consehero-  
nan economico ta conta cu e  
escapez di sucu na mundo lo  
dura diferente año mas.  
Nan ta prefera di por financia  
e aumento di articulo nan di  
import for di e ventanan mas  
grandi di sucu na exterior, qu  
reparti nan fuertenan di yudanza  
door di desarolla otro industria-  
nan den nan pais.  
Ambtenaarnan di e minister pa  
comercio qu exterior ta trata  
di expande e circulo di partner-  
nan comercial pafor di e bloque  
comunista. Luna pasa un acuerdo  
oficial a worde anuncia qu Span-  
ja pa venta di 100.000 ton di su-  
cu, contra produccionan industrial  
manera trucknan di carga, ma-  
chin y panja.  
Ademas nan ta spera pronto un  
anuncio tocante un acuerdo qu  
Hapon. Nan ta negoshando qu  
Inglaterra.  
Segun informenan Cuba ta inte-  
resa tambe den acuerdonan ofi-  
cial qu Francia y Canada.



Dialuna atardi a tuma  
lugar na Trocadero na  
Oranjestad un recepcion  
na honor di e establece-  
mento oficial di Carib-  
bean Mercantile Bank  
N.V., antes Maduro Cu-  
riel Bank, den cual ta  
tuma parti Nederlandse  
Overzee Bank di Am-  
sterdam y Maduro Cu-  
riels Bank na Corsow.

Na e recepcion tabata  
presente representan-  
tenan di gobierno y co-  
mmercio. Ariba e potret  
nos ta mira senyor I.  
Capriles miembro di  
conseho di e directiva  
di e banco, durante su  
discurso, mientras cu  
pari di robez pa drechi,  
Benny Henriquez, ma-  
nager-director di C.

M.B., senyor H. Mar-  
chant, manager di C.  
M.B. y senyor Ph. Kort-  
hals Altes, represen-  
tante di Nederlandse O-  
verzee Bank di Amster-  
dam.

Tambe tabata presente  
na e recepcion, senyor  
b. Maduro y R. Moreno,  
comisarionan di Maduro  
Bank.

## E viahe di Papa pa Israel

Beiroet, 19 Dec. E patriarco  
orthodox ecumenico di Constan-  
tinopel, Mrg Athenagoras, lo bai  
Jeruzalem pa huntu qu Papa Pa-  
blo Sexto e resa na Santa Tumba,  
asina e Patriarco GRIEGO Ortho-  
dox di Antiochia a participa na  
Damasco na un representante  
di e agencia Frances di prensa.  
E patriarco di Damasco a bisa  
qu Mgr Athenagoras a pone na  
altura di su plannan pa bai Je-  
ruzalem den un mensaje espe-  
cial. E patriarco di Damasco  
a contesta di ta di acuerdo qu e  
plan di sentido di cordialidad  
cristian, y solamente ta pidi  
e patriarco ecumenico pa e no  
haci ningun viahe, ni di transito,  
pa Israel.

Como qu cada iglesia orthodox  
ta independiente e patriarco e-  
cumenico a pone tur otro patriar-  
co na altura di su plan.

## Von Brentano grave

Bonn, 19 Dec. Heinrich von  
Brentano, ex minister Aleman  
di exterior, a bira hopi grave  
awe, asina a worde participa  
pa e hospital na Muenchen unda  
von Brentano ta worde atende.  
Su situacion a mehora algu,  
aunque qu e crisis no a pasa  
completamente.

Von Brentano, quende actual-  
mente ta lider di e fraccion cris-  
tian Democratico den Parlamento  
di Alemania Occidental, lo cumpli  
60 anja otro luna.

Dos luna pasa ei a worde hospi-  
talisa pa un operacion na suga-  
ganta.

E crisis a bini inespera, despues  
di e operacion basta serio na su  
garganta. Von Brentano tabata  
mehorando basta rapido ora qu e  
crisis a bini.

Den concertgebouw di  
Stockholm nan a otorga  
e premionan Nobel pa  
e anja aki. E potret ta  
duna un bista di e en-  
tregamentu di e premio  
pa ciencia door di rey  
di Suecia. Na robez Rey  
Gustaaf Adolf cu a caba  
di entrega e premio na  
sra. Maria Goeppert-  
Mayer, profesor Hans  
Jensen di Heidelberg y e  
profesor Mericano Karl  
Wigner ta para waak ri-  
ba e plataforma.





**DICK TRACY** pa cortesia di:**Antillian Hardware Co.**

E mihor adres pa VERF, KWASHI, TUR HERMENT, ARTICULOS SANITARIO.

**RIP KIRBY** pa cortesia di:**JAN BODEGOM & CO. (ARUBA) N.V.**

Agente exclusivo di FRIJSCH VLAG lechi evaporado y lechi en polvo MAXWELL HOUSE KOFFIE.

**CISCO KID** pa cortesia di:**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**BUCHI ROBEZ** pa cortesia di:**REFRESQUERIA INGRID**

Tel. 2123

E mihor adres pa snacks, tur clase di dushi, softdrinks, ice-cream y revistas.



NOVELA

**DESEO PA BO AMOR**

Porfin Jacinta ta regresa. El a cambia su panja y akitatur rastro di emocion for di su cara.  
-Mi a trata pa jama bo natefion awe tardi senyor Perry, e ta bisa despues cu ei a bai sinta. Nan a bisa aja cuba salpa exterior.  
-Si pa Alemania. Mi tabata awe mainta tempran aki caba. Ora cu senyor Krusio a sali di cas, mi a sigui'e. Mi a priminti bo....  
-Mi conoce e Brigitta Storm aki, e ta un mucha muher masha inte-

ligente....

-Si senjora Jacinta. E tin personalidad. Bo swa lo tin hopi dificultad pa saca su cara banda di dje.  
-Den cierto sentido mi tin duele di dje, senyor Perry. No comprende mi malu. Pero hende muher semper ta sinti algu extraordinario sinan tatende cu nan ta worde stimá....  
-E tabatin un papel dificil pa hunga, senyor Eugenio. Pero toch mi

mester admiti cu ei a comporta su mes manera un caballero.  
-Mi no mester a ofende asina, Jacinta ta bisa pensativo.  
-Wei, bo acusacionnan tabata hustifica, senjora Jacinta.  
-Bo ta masha gentil pa mi, senyor Perry. Pero tog mi tin verguensa pa mi falta di control.  
-Wei, damas sin temperamento ta fastioso. Semper mi a aprecia masha, cu bo tabata asina dolido....  
-... y asina poco principianan, e ta agrega cu un sonrisa.  
-Mi mester a constata cu al contrario bo ta biba segun principianan masha severo. E suce-

sonan di e ultimo simannan a existi hopi di bo. Prome bo mester a warda hopi riba bo esposo, e ora e noticia di su regreso, e desilusion, y porfin e berdad... y awor e siguranza cu bo ta viuda. Esey ta muchu cos di un solo bisha.  
-Pero mi tabatin un amigo bon cerca kende mi a hanja apoyo y cu a tene mi ariba.  
-Un amigo asina tur hende tin mester, Perry ta contesta cu un brillo alegre den su wowo. Bo mester gradici e amigo ey...  
-Abo mi kler meen cu e amigo ey, Jacinta ta confesa.  
-Mas mehor ainda, e ta hari.

**HOROSCOPO PERSONAL**HOROSCOPO  
pa 20 december 1963.

**ARIES** 21 maart - 20 april.  
Bo mester tene cuenta cu poco presion y tension y problemaman awe. Banda di anochi esaki ta mehora no cansa bo culpa muchu.

**TAURUS** 21 april - 21 mei.  
No fia nada awe. Mas den dia algu agradabel pa via di otronan ta pasa bo. No confia loke bota lesa muchu.

**GEMINI** 22 mei - 21 juni.  
Awe no actua riba bo mes si ta trata di asuntonan importante. Dos sabi mas cu uno. Adapta bo mes si circunstancianan ta cambia di ripiente.

**CANCER** 22 juni - 23 juli.  
No laga otronan bruha bo door di nan reaccionnan desfavorable. Despues di atardi bo lo por presta mas, bo ideanan ta bon.

**LEO** 24 juli - 23 augustus  
Awe por trese hopi problemaman pa bo; asuntonan serio ta existi preferencia. Anochi esaki ta cambia y aspectonan ta bon pa diberti.

**VIRGO** 24 augustus-23 september  
No laga miedu pone bo evita responsabilidad. Bo por gana hopi awor si bo muestra confianza den bo mes y traha cu energia.

**LIBRA** 24 september - 23 oktober.  
No laga miedu domina bo pasom-bra no tin motibu pa esey. Aspectonan ta bira mehor despues di atardi, no perde bo rivalnan for di bista.

**SCORPIO** 24 oktober - 22 november.  
Sigui cu bo piannan si esakinan a worde acepta unavez. No laga nan hinka bo den problemaman di amor of matrimonio di otronan.

**SAGITTARIUS** 23 november - 21 december.  
Awe nan por pone presion riba bo of duna bo responsabilidadnan nobo. Despues di atardi por tin un encuentro agradable.

**CAPRICORNUS** 22 december - 20 januari.  
Responsabilidad y debernan por eherce presion riba bo, pero bo mester cumpli cu nan. Anochi ta muestra favorable riba tur terreno.

**AQUARIUS** 21 januari - 19 februari.  
Algu di pasado di ripiente por hanja nificacion atrobe. Trata pa bai cu pasenshi cu otronan y no bai muchu tras di e prome impresion.

**PISCES** 20 februari - 20 maart  
No laga miedu detene bo si bo ta sinti insistencia pa hasi un cierto paso. Interesnan di mayornan y sernan queri tin preferencia.

Mi no a spera otro cos tampoco. Alma ta bini net na e momento adecuado pa drecha e mesa. Asina e combersacion ta bira riba un terreno neutral y Jacinta ta scapa.

-Mi kier a papia di mi pintura ainda, Perry ta bisa. Mi ta bai duné un otro titulo....

-Pakiko senyor Perry? Bo a cambia bo idea tocante fatalidad?

-Si. Pero awor no ta e momento adecuado pa papia di esey.

-Pero e riu den e montanjanan bo mester; muestra mi ainda, Jacinta ta hari.

-Bo mester mire, senjora Jacinta, pero no tin hopi tempu ainda.. E palabranan aki atrobe ta drenta den Jacinta ora e ta sinti su so anochi den sala. Ei a laga Alma bini pasombra di ripiente e tin miedu di soledad. Alma ta papia ketu bai y Jacinta ta contentu cu ei a hanja un companjero pa e anochi.



# NOS CARTANAN PA SANTA CLAUS



Apreciable Santa Claus, Cu mes un alegria di tur anja, mi ta hasi Santa Claus dos letter y cu deseo di contra Santa Claus bon di salud, como mi sabi cu te Pascu ainda Santa Claus ta camna pesel mi letra ta bini awor door di nos Arubaanse Courant tan precia.

Mi a hanja un chens di por scirbi Santa Claus. Wel mi ta pidi mescos cu tur mucha, si mi por hanja un scopet, y pa mi ruman Altagracia di 6 anja un telraam. Si mi ta poco laat, loke Santa Claus duna nos dos, mi ta keda contento cu ne.

Nos ta 9 ruman den cas, wel mi ta contento y Santa Claus corda maske ta nos dos so, Masha danki. Juan Martinus, 3de klas.

Madiki 36,  
Aruba.



Apreciable Santa Claus. Cu mucho gusto mi ta scirbi Santa Claus un carta, sperando cu Santa Claus ta goza di un perfecto salud.

Santa Claus mi ta masha contento cu Santa Claus ta duna nos un regalo. Santa Claus mi ta gusta di hanja un bala.

Santa Claus mi ta gusta Arubaanse Courant pa lesa Cisco KID Pepita Dick Tracy i Rip Kirby. Noel Raul Semerel. Noord 25

Saludo na Santa Claus.

Actualmente, cu nos a cuminsa tuma Arubaanse Courant, cu ta scirbi cuenta di Santa Claus. No, laga mi lubida Santa Claus pasobra henter e anja aki mi no a hanja nada.

Ta, pesel mi a dicidi di scirbi Santa Claus pa un sorpresa. Actualmente ta mi deseo.

Cu lesando den courant, mi a mira cu Santa Claus ta partiendo regalo Actualmente pa su muchanan.

Locual mi tambe ta un di e hobencito cu desea algun regalo, Ami ta un hobencito cu ta gusta hunga.

Un ta nada cu mi ta bai cabando y mi ta scirbi mi lista aki bau.

Santa Claus su hobencito Bibiano Fingal.

Un bala, un guitarra basta grandi di mucha, un vulpen y un violon, ta esei nan ta mi gusto. Mi edad ta 13 anja.

Bibiano Fingal,  
Koyari 25,  
Noord.

Pa Santa Claus, Morro, of bon dia, of bon tardi Santa Claus, pasombra mi no sabi ki ora mi carta ta jega den Santa Claus su man. Mi ta spera cu Santa Claus lo ricibi mi carta cu un cordial saludo pa Santa Claus. Y Santa Claus sabi cu tur anochi mi ta sonja, cu ta con mi ta hasi di scirbi un carta pa Santa Claus. Y alafin mi a hanja un manera di scirbi carta aki pa Santa Claus. Y mi ta spera cu Santa Claus ta cumpli cu mi deseo. Santa Claus mi kier un regalo awor. Mi deseo ta un kaha di stel.

Ajoo Santa Claus.  
Myrna Jansen,  
Paradera 40,  
Aruba.

Geachte meneer.

Ik lees elke keer de Arubaanse Courant. Waaneer zede Arubaanse Courant brengen wil ik hem altijd het eerste lezen. U denk misschien dat ik Haantje de Voorste ben.

Mijn naam is Glenda Bareño. En ik woon op Piedra-Plat nr. 44. En ik wordt 13 jaar.

En er stondt in de krant dat de kinderen cadeautjes onder de kerstboom zouden krijgen. Wij hebben een kerstboom in de stoep. We hebben hem nog niet.

Santa Claus con bai.

Aki mi ta manda un carta pa Santa Claus. E carta aki ta un bunita carta. Mi ta contento cu Santa Claus. Zwarte Piet con bai. Aki mi ta manda un carta cu mi mester dos cos so.

E cos cu mi kier pidi, ta un faha di revolver y dos scopet na banda. Masha danki masha danki Santa Claus. Te otro anja cu bini.

Apreciable Santa Claus, Santa Claus con ta bai? Zwarte Piet con ta bai.

Santa Claus aki mi ta tuma un potlood pa mi scirbi Santa Claus Santa Claus mi ta desea masha hopi un popchi cu su wieg y un bolo di Pascu. Santa Claus mi ruman chikito di 4 anja a bisa mi pidi Santa Claus un bicicleta chikito pasobra e no por scirbi Santa Claus. Ajoo Santa Claus. Cuminda Zwarte Piet pa mi. Santa Claus aki mi ta scirbi mi nomber. Santa Claus masha danki. Mi ta spera cu Santa Claus cumpli cu mi deseo.

Sita Helder,  
Hospitalstraat No 9,  
Oranjestad.

Goede morgen Santa Claus, U bent heel goed. Ik ben blij dat U dit jaar weer komt. Alle goede kinderen zijn blij dat U, op Aruba komt. Ik ben niet stout. Ik wil een pistooltje van kurk die schiet en gaat weg. Dat kost Fls. 2,50. Tot ziens.

Nelson Tromp,  
Alablancstraat 3,  
Simon Antonio.

Mi nomber ta Inocencio Tromp, 11 anja. Montaña 9, Noord.

Aki nos por mira tur e junan di Tromp riba potret, solamente e carta di Inocencio, Santa Claus a ricibi tambe di Glenda Eric, Benny, Candida, Chin, Ruffo, Estevan y Clemente.

Tur anja nos ta spera Santa Claus cu alegria na school.

Mi a pidi un bycicleta ma tin hopi mucha cu no ta tur por haya un regaloe si tin vulpen tambe ta bon mi tin hopi rumannan chikito na cas mi ta den 5de klas St. Aloyius school cerca Meneer van der Biezem Santa Claus hopi cuminamento di nos tur na cas.

su sbr.

Thomas Tromp  
Rooi Santo No. 20.

Klas 6e.

Sinterklaas con ta bai, Zwarte Piet con ta bai.

Ami ta bon, mi nomber ta Sonia, mi ta contento di a tende cu Sinterklaas ta duna nos regalo, ami tin gana di hanja un popchi grandi cu su wieg, pa mi cose hopi blistir pe. Mi ta sinja bon na school, mi tin hopi stempel na mi schrift, y mi ta gusta juda mi mama haci trabauw ora cu mi bin di school. Santa Claus no lubida riba mi. Mi ta spera cu Santa Claus ta pasa un bon Pascu y un bon Anja Nobo. Anto mi kier un set di weja. Ayoooo Santa Claus. Sonia Gomez. Bacobastr 1. Aruba.

Mi bon Santa Claus,

Ki contento mi ta manda e carta aki pa Santa Claus. Mi ta lesa cu nos por scirbi Santa Claus pa medio di nos dushi Arubaanse Courant. Tur nos ta spera Santa Claus. Mi bon Santa Claus nos ta 10 ruman, 3 homber, 7 mucha muher. Ami cu ta manda e carta aki tin 11 anja, y mi ta den 4de klas Dominico Tromp. Ma scirbi e carta cu duele, cu Santa Claus por duna mi algo di 2 scopet di corci y un faha di scopet. Santa Claus awor mi ta termina cu mi carta Santa Claus no lubida riba mi. Masha danki Santa Claus.

Mi nomber ta Dominico Hoevertsz,  
San Barbola, 65  
Paradera.

Si e muchanan di nos abonadonan tin deseonan especial cu nan kier laga kerstman sabi, nan por manda nan cartanan pa Arubaanse Courant. Esaki lo manda e carta na Noordpool. Si nan ta basta, nan lo worde publica hurto cu un potret chiquito di esun cu a mandé den corant. Cartanan cu lo worde ricibi despues di dia 20 di december p.v. nos no por manda mas pa Santa Claus como cu nan no ta jega na tempu mas.

Mi bon Santa Claus.

Ayera cu mi a lesa den Arubaanse Courant cu Santa Claus ta duna regalo mi ta tuma mi pen pa mi bin pidi Santa Claus tambe un regalo pa mi.

Sin tin popchi anto Santa Claus. Santa Claus mi ta scirbi algun cos aki bou anto Santa Claus coi un pa mi un bala of kleurboek of un pen, anto pa un ruman homber un auto of avion. Mi ruman homber chikito jama Eddison Semerel.

Sin tin loke ta mi deseo esta e popchi, anto scoge den pa mi. ajoo ajoo Santa Claus.